



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-7-02-2-1980/22
Sarajevo, 22.03.2022.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Arijane Memić, dostavlja se;-

VEZA: Vaš akt broj:01-04-5587-20/22 od 24.02.2022. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 48. Radnoj sjednici Skupštine Kantona Sarajevo održane dana 22.02.2022. godine, u okviru tačke Dnevnog reda "Poslanička/zastupnička pitanja, inicijative i odgovori", postavila zastupnica Memić Arijana.

S poštovanjem,

Prilog:

-Akt MUP-a KS, Upava policije broj:02/5-1-02-2-2342 od 16.03.2022. godine.
-CD x1.



Dostaviti:

- ①.Naslovu;
2. Stručna služba Vlade Kantona Sarajevo;
3. a/a.

16-03-2022
358/22

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/5-1-02-2-2342

Datum: 16.03.2022. godine

MUP KANTONA SARAJEVO
n/r sekretara ministarstva

PREDMET: Odgovor na poslaničko/zastupničko pitanje Arijane Memić – dostavlja se;

VEZA: Akt Skupštine Kantona Sarajevo br. 01-04-5587-20/22 od 24.02.2022. godine;

Aktom Skupštine Kantona Sarajevo br. 01-04-5587-20/22 od 24.02.2022. godine, Upravi policije MUP-a Kantona Sarajevo dostavljeno je zastupničko pitanje koje je na 48. Radnoj sjednici Skupštine Kantona Sarajevo, u okviru tačke Dnevnog reda "Poslanička/zastupnička pitanja, inicijative i odgovori", postavila zastupnica Arijana Memić.

S tim u vezi u nastavku dajemo odgovore na pitanja zastupnice Arijane Memić radi dostavljanja istih predsjedavajućem Skupštine Kantona Sarajevo.

Imenovana zastupnica zatražila je odgovore na sljedeća pitanja:

-, „Da li je Uprava policije MUP-a Kantona Sarajevo dostavila kompletnu dokumentaciju za nezakonito čino vanje po internom oglasu od juna 2012. godine nadležnom tužilaštvu a shodno pravosnažnoj presudi Kantonalnog suda od 02.11.2020. godine?“

Uprava policije MUP-a Kantona Sarajevo je postupajući po aktima Federalne uprave policije dostavila traženu dokumentaciju Federalnoj upravi policije, obzirom da je Zahtjevom Kantonalnog tužilaštva Kantona Sarajevo br. T09 0 KTAPO 0164083 20 od 25.01.2021. godine, Federalnoj upravi policije naloženo pribavljanje informacija, dokumentacije, saslušanje svjedoka i prikupljanje drugih dokaza u predmetu koji je otvoren na osnovu akta Nezavisnog odbora Skupštine Kantona Sarajevo, a po osnovu pravosnažne presude Općinskog suda u Sarajevu br. 65 0 Rs 361381 13 RS, koja je potvrđena presudom Kantonalnog suda od 02.11.2020. godine, u vezi procedure unapređenja po Internom oglasu od 08.06.2012. godine.

Napominjemo da je u skladu sa usmenim dogovorom sa postupajućim tužiocem, Sektor kriminalističke policije Uprave policije MUP-a Kantona Sarajevo, dana 31.12.2020. godine, na nadležnost dostavio zahtjev Kurtović Salema za zaštitu dokaza – dokumentacije u vezi unapređenja u čin „inspektor“ po Internom oglasu od 08.06.2012. godine zbog postojanja opravdane sumnje da bi moglo doći do uništenja dokumentacije ili izmjene činjeničnog stanja u predmetnom slučaju, a kako bi se ispitali navodi izneseni u podnesku.

-, „U kojoj su fazi postupci po donesenim rješenjima o poništenju činova za policijske službenike/ preciznije da li su uložene žalbe na rješenja i da li su pokrenuti upravni sporovi pred nadležnom sudom?“


Policijskim službenicima koji su kao učesnici procedure unapređenja u čin „inspektor“ po Internom oglasu od 08.06.2012. godine unaprijeđeni u navedeni čin, a potom i čin „viši inspektor“, u postupku izvršenja pravomoćne presude Općinskog suda u Sarajevu br. 65 0 Rs 361381 13, donesena su rješenja kojima se ovi policijski službenici raspoređuju na radna mjesta u činu „mlađi inspektor“, obzirom da se policijski službenik raspoređuje na radno mjesto u činu koji je imao prije donošenja poništene odluke, u skladu sa članom 85. stav (6) Zakona o policijskim službenicima Kantona Sarajevo (“Sl. novine Kantona Sarajevo”, br. 38/18, 26/19 i 39/20).

Postupak po žalbi na ova rješenja je okončan, tako da će se uručanjem rješenja drugostepenog organa steći uslovi za izvršenje rješenja i raspored policijskih službenika u činu „mlađi inspektor“. Iznosimo da su policijski službenici ustali tužbom kod Općinskog suda u Sarajevu gdje je sudski postupak u toku u odnosu na dva policijska službenika od kojih je za jednog policijskog službenika Rješenjem Općinskog suda u Sarajevu od 28.12.2021. godine, određena privremena mjera osiguranja kojom se zabranjuje Upravi policije MUP-a Kantona Sarajevo da izvrši rješenje o rasporedu u činu „mlađi inspektor“ i pri tom je naloženo da Upravi policije da tužitelja vrati na rad na radno mjesto koje odgovara činu viši inspektor do pravomoćnog okončanja postupka u ovoj pravnoj stvari po Tužbi.

Zastupnica nadalje iznosi da su članovi komisije dostupni i visoko rangirani policijski službenici te:”-Postavlja se moralno pitanje da li imenovani mogu obavljati svoje dužnosti s obzirom na utvrđene nepravilnosti iz presude?

Na okolnosti ovog pitanja iznosimo da članovi komisije ispunjavaju uslove za obavljanje poslova radnog mjesta na koje su raspoređeni, a obzirom da od strane nadležnog Suda nije donesena presuda kojom se utvrđuje odgovornost članova komisije vezano za postupak provođenja procedure unapređenja po internom oglasu od 08.06.2012. godine, nema zakonske, niti bilo kakve druge smetnje da isti i dalje obavljaju svoje radne dužnosti.

S poštovanjem,



POLICIJSKI KOMESAR
General

DOSTAVITI:

- Naslovu;
- a/a.